

ME HYƐ ASE WƆ NYANKOPƆN NE DZIN MU, ƆDOMFO, MBƆBƆRHUFO NO.

Fida Nyamesemka: Esusuowketseaba 17, 2013.

(Friday sermon – 17th May, 2013 – Fante Translation)

ASƆR ADAN NE NSISII, AHMADIYYA NE DWUMADZI TSITSIR A OHIA NYƐƐ

Ɔkrantsee tashhud, tawwuz na Sura Al-Fatiha wiee no Hazrat Khalifatul Masi a ƆtƆdo enum (Allah mfa mboa keƐe nhye no dzen) sanee Krantsee Sura Al Tauba ne nyiyimu duawƆtwe a Ɔye Kuran KrƆnkrƆn no ne tsir akron no.

Nyia ƆwƆ gyedzi wƆ Allah mu, Da a odzi Ewiei no, Ɔye asƆr; otua ne Zakat (ebupen) na onnsuro biribiara ka Allah ho no, Ɔno nƆotsee na obodtum ahwe Allah N’asƆrdan wƆ tsebea a oyie na Ɔye prƆmprƆm mu; dem ntsi woyinom na wƆbeka nƆorƆfo a wodu ewiei pa no hƆnho. Ɔnam NyankopƆn N’adom ntsi, nde da yi, Ahmadiyya AsƆrmba a wƆwƆ British Columbia enya adom ahoƆdzen dze etum esi asƆrdan. Ahmadiyya ebusuakuw binom agye ntaa wƆ ha mfe eduanan a abesen kƆ anaaso beye mfe eduonu anaa eduasa na mbrana hom etum esi asƆrdan dem ber yi a. Ehyiadzibea wƆ ha dada eso asa keƐe bi a wƆye asƆr no wohyia wƆ hƆ; iyi nye siantsir a hom enntum enntu homho amma ennsi asƆrdan ankasa wƆ ha no.

Ɔye a Ɔbeye de, obehia de wodzi ehyia wƆ beebi, na asƆrmba hƆn ntsetsee wotum ye, mbom asƆrdan wƆ noara noho hia na ne mfaso. Ahyensew a osisi asƆr dan no do na mbre ne yebea tse no ma asƆrmba no nya enyigye soronko; demara so na dza etwa ehyia asƆrdan no ho no so gye enyiwadofew ma nƆorƆfo nkaa no so.

Bea a asƆrdan wƆ no, akwan horow a wƆnam pii mu. Dem saso ntsi na Anohoba Masia no atwe hƆn adwen egyina do pƆpƆeƆe wƆ asƆrdan ne nsii do na Ɔnam dem kwan yi do na asƆrba hƆn korye bƆkƆ do na dawurbƆ a Ɔfa no Islam ho no so atre, Ɔye nƆpkwan de Ɔaka de Ɔmmfa ho de Ɔmmfa ho de asƆrdan no nnye kumkumfi na Ɔnnye nwanwa mbom ddza ohia ara nye de Ɔaka de Ɔmfa ho de asƆrdan no nnye kumkumfi na Ɔnnye nwanwa mbom dza ohia ara nye de wobesi asƆrdan.

Obinom bƆdwen de eben hia na Ɔbema yeesi asƆrdan kontaan, nkanka ber yi a nƆorƆfo pii upper eenya asƆrdan wƆ hƆn asetsena mu yi, Binom nnyi ahoƆndzen a wobotum esi, ntsi wƆtow mona asƆr yi ne stir de ƆnƆ hƆn mboa. Dem ntsi adwen bi beba de se wosi asƆrdan nkumakuma a nna Ɔkyere de wƆdze sika no ara besisi asƆr adan pii. Mbom se yedwen mbre asemƆw yi tse a nkye dem adwen yi nnkeyi n’enyim; Ɔfa no dem adwen yi ho no NƆomhye nyi (NNN) akasa afa ho de: “Inna mal a’maalo bin-niy-yaat”: n’asekyere nye de: dwumadzi biara n’akƆntua gyina siantsir a Ɔtaa ekyir.

Vancouver ye kurow a Ɔso sen kurow biara wƆ British Columbia na ha na Ahmadiyyafo hƆn dodow wƆ na se yehwe dodow a wƆwƆ hƆ a nna hƆn asƆr dan no nnye keƐe biara. Na se yehwe NyankopƆn Ɔkesefo no n’adom na mbre akwan a wƆnam do dze Islam

Ahmadiyyat repetse no a, hɔn so rohwehwe de hɔn mbeambea wɔ de ɔtre ɔnam Anohoba Mesia (ANN) nyikyere “was-say a makanaka” a Nyankopɔn kyere no kwan de ɔntre ne fie mu na ɔmma kwan nda mu. Dem nyikyere yi nnkyere de yemma hen efiefie mu mbaa ama nkorɔfo a wɔbeba Jalsa anaa abasere hen no eenya beebi dze hɔn tsir ato, mbom yehia de hen asɔndam so no mu tretre yie.

Afei, ber a yewɔ mu yi, Nyankopɔn ama Anohoba Mesia (ANN) dzin bi de “Ibraheem” na ɔnam Hadhrat Ibraheem (an) do na Nyankopɔn sii Khana Ka’aba. ɔnam de Nyankopɔn No korye abɔbɔ adze no ntsi Nyankopɔn Ne dan a odzii kan sii ama wɔasom No wɔ mu ntsi, ofi ber to ber wɔnam Hadhrat Ibraheem (AN) do si no fofor na wosiesie no Na ɔnam Nyankopɔn N’anohoba do ɔnam Anohoba Mesia do wiadze beba ebohu ampaara woruhu so, na ekyingye biara nnyi iyi mu de Islam ne nkyenyan beba a ɔnam Anohoba Mesia (ANN) do. Na, wɔ sunsum mu no, wɔ hen mber yi mu, botae a wɔdze sii khana ka’aba no ɔnam Anohoba Mesia (ANN) behye ma na wiadze beba ebohu na wɔahwe no botae a ɔnam do ma wosi asɔrdam nye de nyimpa wɔ de wɔboa hɔn ano som Nyankopɔn kor no na wɔnam dem siantsir yi so do ɔwɔ de yeka kɔ asɔrdan ne nsii ho.

Dem ntsi, de mbre mekaa no, adze pɔkyee nye de, de mbre Nkɔmyhenyi krɔn kyere no, nye pɔw a ɔda ndzayee no ekyir, na hen pɔw nye de yebema Nyankopɔn No korye etsim na yeatre N’asem no na yeaboaboa dɔm a hɔn dodow twa mu kɔ Ne frankaa Nkabɔmu no na korye no ase, na yedze nsakyer ba henara hen ndzeyee mu ama henara ɔnye hen mba aabɔ hen mu adze wɔ Nyankopɔn enyin. ɔwɔ de yebɔ mbɔdzen biara ma Salat (Asɔrye) tsim na yehye asɔrdan no amaama ɔnam dem botae yi ntsi ama aye de gyama asɔrdan no ye nkumankuma.

Dem ntsi, se iyi ye hen adwen a, nna asɔrdan a wɔye de wɔye akese no annye de apɛbiakyere na mbom wɔsoso de wɔrenya Nyankopɔn ɔkesefo no N’enyigye, na ɔye Nyankopɔn ne pe a mowɔ awerehyemu de hom a wɔtse apaa yi mu a wɔrebeye asɔrdan yi ma yi, se hom dze adwenpa yi ridzi hom ahyedze do a ɔno ber a hom bedzi nyim de wɔrepetse Islam Ahmadiyya asem no, ber no ara so worutu mpon wɔ sunsum mu na wɔreka hom mba abɔ mu wɔ Nyankopɔn kor no mu yi, hom nye nkorɔfo a hom botu hom mba mpon wɔ hɔn bra wɔ wiadze yi mu ɔnye owu ekyir. Hom so benya Nyankopɔn N’enyigye na hom eehu Nyankopɔn N’adɔye de edwir hom do. Na se Nyankopɔn N’adom no hye ase de orudwir nkorɔfo do wɔ ber a hɔn tsirmupɔw nye de wobenya Nyankopɔn N’enyigye no a, afei kurow biara Nyankopɔn dom hɔn ahɔdzen wɔdze si asɔrdan pii.

Dem ntsi, hom tsirmupɔw wɔ de ɔye de yennkɔtweɔn ma mfe eduasa anaa eduanan ansaana yeesi asɔrdan ɔka do no, mbom yeakɔ do ara de yebeye iyi na asɔrdan pii a ɔtse de iyi ne saso a wobesi ma aye ketseketse a asɔrmba kɔ mu a ɔbeyee ahokyer. Se yehye asɔrdan ma, de yerehye ehiadze a wɔdze som Nyankopɔn no ma a, na yenam N’akwankyer do de yerefa Ne nkyerekyere abɔ hen bra yie a, yebɔkɔdo ara ehia de yetre hen asɔrfi wɔ kwan a yebɔtwe Nyankopɔn Ne nhyira pii na yeanya iyi so kwan a dabiara yebenya Nyankopɔn N’adom no mbordo mbordo.

Dem ntsi, se yedze dem tsirmupow yi repa Asorfi yi ho tam a nna ampaara yerobo mbodzen de Asorfi mber pii nna yennsii na afei dze yeesi. Na mbeambea no a seiseiara so wonsi asor wo hon no, honom so, yerepa dem asorfi yi ho tam yi, woretwe hen adwen egyina dem dwumadzi a ohia yi do na akkyere de mber pii twaa mu ansaana hom risi asordan yi. Aber biara hom nkaakaa, de mbre m'aka dada no de nsorfi wo nonkasa ne hia a ohia na ne mfaso na asoee pii na asorfi ho asoee onye asakese nnkotum eenya gyinabew a asorfi nya.

Ampa oye nokwar de asakese anaa asoee ma Asormba beebi ma wohyia dze, naaso sunsum mu nkitahodzi a obi nya no de oko asorfi mu no na nkanyan a ofi mu ba no; iyinom nkeba wo ber a asorfi papa nnyi ho. Iyi ye nyimpa ne bobew mu bi. Se ebepen do a. Ntsi asaase biara a wato no, hom nsi asorfi papa kyen de wobesi ehyiadzibea na asoee. Metsee wo Canada de wowo asaase bi a woadwen ho de wodze sika a wowo no besi ehyiadzibea, mbom medze ndaase ma Nyankopon, Okesefo No de wosesaa hon adwen ber a woka kyere hon de wonko asem no mu mprenu no no. Nyankopon nhyira mbea mbea no a woadwen ho de wobesi asordan no de wobotum esi.

Oye nokwarsem de susuampaara de wosisi asordan no dze nna akwan afofor ebue a wodze Islam Ahmadiyyat Asem ko mbeambea. Ebow bosom n'ewie no me paa asordan no a wo Valencia, Spainman mu no ho tam na nsem a me nsa aka kyere de hon a wonnye Muslimfo rebisabisa Islam ho nsem, afei so, hon a wonnye Ahmadiyya Muslimfo ba beye asor wo ho na wonya Jama'at ho nyimdzii. Oye Nyankopon Ne pe a hon a wofi dem nkorofu yi mu a wodze tseneneeye ehyira hon no, akra a woehyira hon no wobema hon ahodzen ma wogye Islam Ahmadiyya asem no ato mu ma waba hen mu

Dwumadzi a Allah, Okesefo dze ahye Anohoba Mesia (ANN) no de onndzi kor nye de wobema Muslimfo no atse Islam ho nokwar nkyerekyere no na waboa no wo Islam no a Nkonhyenyi Kronkron Muhammad (NNN) dze abobo adze no na Sharia (Mbra) no a wada no edzi akkyere no wama ako do. Allah, Okesefo no, nam nyikyere do akkyere Anohoba Mesia de: "Boaboa Muslimfo nyinara a wowo wiadze yi mu ko Nokwar Som no ho". Anohoba Mesia rekyerekyere mu no okaa de: Dem kasa yi de me mboaboa Muslimfo a wowo wiadze yi, ye nhyesem soronko. Afei odze Hadhrat Abraham (ANN) dze reye mfatoho no Anohoba Mesia (ANN) no kaa de Allah hyee ogya ma oye wirekuku ma no de obo no ho ban na dem ara so aba, dem ntsi dem nhyesem yi ye me de mbre Abraham (ANN) ne dze no tse noara.

Oye Nyakopon Ne pe de muslimfo a wowo wiadze mu woboaboa hon ano ahye nokwar som kortsee no ase na iyi beye ho na ampaara woboboa boa hon ano aye kor. Mbom iyi nkyere de soronko nkeba hon mu koraa. Nokwar, soroko bededa hon ntamu na mbom onkeba no de wonkoku hon anaa wonkoku hon dzin.

Dem ntsi wo de wonya kwankyerere ma hon nyinara. Hon a woye Muslimfo na hon a wonnye Muslimfo. Iyi fi Anohoba Mesia nkotsee do beba. Muslimfo mpenpem tse Oman na kurow yi mu na ampaara dem asem yi botwe hon adwen so na de asorfi yi ne nsii dze kasapa na dza onye nyinara fi Muslimfo na hon a wonnye Muslimfo beba na iyi bobue akwan afofor

ma wɔdze Islam Ahmadiyyat asem no apetse na ɔwɔ de wɔye ahoboa wɔ iyi ho. Dem ntsi asɔrdan yi ne sii bema ankorankor hɔn asodzii adɔso.

Ampaara se hom boaboa hom ho de wɔdze Islam Ahmadiyya asem no roto gua a, ɔwɔ de ema wo bra ho tsew, eso itu mpon wɔ nyimdzii a ɔfa no som yi ho. Na iyi ye adzehiadze papaapa. Se annyɛ iyi a na ɔnam wo nsem na wo ndzeyee a wɔnnse ntsi obiara mmpɛ de ɔben wo. Dem ntsi asorfi ne nsii ma mbowbow buebue ma nkorɔfo ma Nyankopɔn ne nhyira no edwir hɔn do ama wɔadɔr gyedzinyi ne gyedzi mu aber biara. Na nyhira pii so wɔ hɔ a Kuw no twe ma noho ber a ogudo resisi asɔrdan a ɔtɔ bobor.

Allah akasa afa asorfi ho nsem pii wɔ Kuran Krɔnkrɔn no mu. Kuran Krɔnkrɔn no kasa fa obu na enyimnyam a ɔwɔ asorfi ho. ɔkyere asorfi no botae na suban a hɔn a wɔtaa kɔ Allah asorfi mu. Seisieara dze Kuran Krɔnkrɔn no mu nsem a mekenkan wɔ hom enyim yi ka hɔn a wɔtaa kɔ asorfi mu no ho nsem. Dza odzi kan a wɔkaa ho asem nye hɔn a wɔkɔ asorfi mu daapem. Woyinom na wɔgye Allah dzi. Mbom edze w'ano famfa beka de egye Allah dzi nko nhye ma. Gyedzi a wɔabɔ dzin wɔ ha yi wɔ gyanabew bi a Nyankopɔn abɔ dzin. Allah ɔkesefo no ka de se hom bedzi dem gyedzi ho gyanabew yi a, ɔno hom nkotsee na wɔbekan hom aka hɔn a wodzi mu mapa wɔ hɔn gyedzi mu. ɔnntse dem dze a hom gyedzi renndzi mu.

Se yɛdze ye mfatoho a, Nyankopɔn ɔkesefo no ka wɔ Kuran Krɔnkrɔn (49:15) de “qaalatil a'raabo aamanna” n'ase nye de “Arabfo no a wɔwɔ sar no do ka de, ‘Yeɛgye dzi’, mbom Allah ka de “Qul lam to'minoo wa lakin qoolo aslamna” n'asekyere nye “Ka ‘Hom nnyaa ngyee ndzii ana, mbom hom nka de ‘Yeagye Islam ato mu’”.

Dem ntsi Nyankopɔn kaa kyereɛ Nkɔnhyenyi (NNN) no de ɔmma hɔn aso ntse de mma wɔnnka de wɔagye edzi mbom wɔnka de wɔaye setsie, na iyi nam siantsir pii do. Dem saso ntsi, de erese Kalima na erenya kankɔ wɔ wo gyedzi tsebea mu no, na nye Nyankopɔn ntamu nkitahodzi mu ye dzen na ema w'adwen kɔ wo som do, na aber biara ebeye krado de edze woho bɔbɔ afɔr wɔ kwan biara mu ama enya Nyankopɔn enyigye no, na enam Ne mbransɛm nyinara do dze woho bɔ dem afɔr no : iyinom nye ndzeyee a nyia no a ɔ'agye Islam ato mu no wɔ de ɔye na ɔtsena gyedzinyi (momin), nokwar gyedzinyi mu no. Iyinom wɔde ɔtsena onyia no a ɔ'agye Ber yi mu Imam no ato mu no, na ɔ'abeye Ahmadiyyanyi no, se yerefa kwan bi so do aka asem kor yi ara a, yebeka de Ahmadiyyanyi wɔde ɔfa ndzeyee fofor a otu huam do dze kyere ne gyedzi adzekyee biara. Onyimpa wɔ de onya dem atsenka yi wɔ no mu.

Anohoba Mesia (ANN) no kasaa faa iyi ho kaa de agyedzifo (momins) nye hɔn a hɔn ndzeyee dzi dase wɔ hɔn gyedzi a ɔwɔ hɔn mu ho. Hɔn gyedzi wɔakyerew no wɔ hɔn akoma ho. Na de wobonya Nyankopɔn N'enyigye no, nna ɔye hɔn ehiadze papaapa na wɔma dem dzi hɔn adɔntsen wɔ biribiara mu. Na wɔfa Taqwa no kwan no a ɔye few opuwa no do, ɔnam Allah ntsi. Wɔkehɛn No do no mu kusekuse. Na ɔbosom biara a ɔba hɔn akwan mu no de ɔye fintindua, de ɔye ɔbrabɔn O! anaa mbrewye anaa nhweasee O! wokotsir dem ndzeyee yi. Dem ntsi iyinom nye mpenpendo a ɔwɔ de yefa na yɛdze hen

enyi si do pɛpɛɛpɛ dɛ yɛbɛnyɛ. Na sɛ hɛn nsa kã dɛm mpɛnpɛndo yi a nna yɛbɛyɛ dɛ hɔn a wɔfrɛ hɔnhɔ dɛ wɔagye Nyankopɔn edzi no.

Anohoba Mɛsia (ANN) nɛ nkɛyɛmɛ dɛ ɔwɔ dɛ yɛfa anamɔn kwan fɛɛfɛw na opua no a ɔyɛ Taqwa (tsɛnɛnɛɛ) kwan no, kyɛrɛ dɛ iyinom nye anamɔn kwan a ɔsɛ dɛ yɛyɛ Nyankopɔn N'ɛdwuma a ɔyɛ nhyɛ ma hɔn no, na yɛyɛ ma N'abɔdɛzɛ so na yɛdɛzɛ hɛn nan na hɛn nsa nye honamdua nɛ fa bi ma Nyankopɔn Nɛ mbransɛm no. Bɛr a emma hɔ kwan ma wo nan anaa wo nsa nnyɛ bɔn anaaso ɛwurkadɛzɛ no, ɔwɔ dɛ ɛbɔ mbɔdɛzn dɛ w'adwendwɛn hɔ bɛtɛsɛw ma ɛfi ɛfifidɛzɛ biara hɔ; sɛ ɛyɛ dɛm wɔ som na asɔryɛ mu a, w'adwɛn nyinara bɛgyina Allah do, ɔno a ɔyɛ ɔkɛsɛfo na afeɪ bɛdzi nkunyim wɔ Salat nɛ nyɛɛ hɔ.

Sɛ w'adwɛn kɛhyɛ wiadzɛ na n'ɛnyigyɛdɛzɛ mu a ɔno nnkotum ama w'ɛnyim ɛtsim wɔ Nyankopɔn do wɔ w'asɔryɛ mu. Dɛm nyimpa yi, ɔda edzi pɛfɛɛ dɛ ɔrɛyɛ asɔr dɛzɛ naaso n'adwɛn da bɛɛbi ara kwa. ɔnam dɛm ntsi, Anohoba Mɛsia (ANN) no kaa dɛ hɔn a wɔkɔ do ara tsim wɔ Nyankopɔn No do mu no, hɔn nye “mominfo”, nokwar agyɛdzifo no. Nkɔmhyɛnyi Krɔnkɔn Muhammad (NNN) akyɛrɛ iyi mu dɛ gyɛdzinyi no su kor nye dɛ ofi Salat kor nɛ nyɛɛ kɛpɛm kor no, gyɛdzinyi n'akoma tsim wɔ asɔrfi mu. Dɛm nyimpa yi hyɛ ase dɛ ɔrɛtwɛɔn dɛ bɛr bɔso ma ɔ'asan ayɛ asɔr bio ama ɔasan akɔ asɔrfi no mu bio akɔ sɔr.

Hwɛ, wiadzɛ dwumadzi so hia ma nyimpa na Anohoba Mɛsia (ANN) ɛsi no ɛwur aka akyɛrɛ hɛn dɛ, ofi Salat kor ntamu kɛpɛm kor no, onyia a ɔ'annɛ n'ahyɛdɛzɛ no wɔ nyiano yi. ɔmmfa ɛdwuma a ɔyɛ, sɛ ɔyɛ ɛguadzi O! apaadzi O! haban mu dwuma O! anaa ɛdwuma biara. Dza ohia nye dɛ yɛbɛkaakaa Nyankopɔn wɔ bɛr a yɛrɛyɛ ɛdwuma, iyi bɛma yɛɛnya atɛnka bi dɛ dza yɛrɛyɛ biara, yɛrɛyɛ no wɔ Nyame ntsi, na ɔbɛma yɛayɛ no wɔ pɛrɛpɛr nye nokwar mu. Dɛm ntsi, nyimpa yi nnkɛfa kwan bɔn biara do dɛzɛ ayɛ ɛdwuma no. Nyimpa yi nɛ wiadzɛ mu dwumadzi so mpo bɛyɛ nɛ sunsum mu abrabɔ. Osiandɛ bɛr biara ɔwɔ n'adwɛn mu dɛ ɔrɛyɛ ahwɛhwɛ Nyankopɔn N'ɛnyigyɛ na ɔkaakaa no bɛr biara. Dza Nkɔmhyɛnyi Krɔnkɔn (NNN) n'ɛsuafɔ no yɛɛɛ no nnyi hɔ dɛ yɛbɛtɛsɛ no kɛkɛ dɛ ɔyɛ ɔyɛkyɛrɛ bi kɛkɛ. Wɔannɛ dɛ yɛbɛkamfo hɔn ndwuma kɛkɛ bi. Wonnhia hɛn nkamfo. Nyankopɔn Noara akamfo hɔn na Wɔama hɔn abasobɔ krataa (certificate) dɛ Nyankopɔn ɛnyi gyɛ hɔnhɔ. Hom nnhu dɛ obi a Nyankopɔn N'ɛnyi agyɛ no hɔ no, nnhia nyimpa biara nɛ nkamfo anaa ayɛyi.

Ampaara iyi ma hɛn awɛrɛhyɛmɛ dɛ sɛ yɛnantɛsɛw hɔn anamɔn mu na yɛfa hɔn su a na hɛn botɛɛ nye dɛ yɛrɛhwɛhwɛ Nyankopɔn N'ɛnyigyɛ a, ɔbɛma yɛaka hɔn a wɔfa N'ɛnyigyɛ kwan do no hɔ. Anohoba Mɛsia (ANN) ka dɛ, sɛ ɛpɛ dɛ inya gyɛdzi gyinabɛw a ɔwɔ sor a, gyɛdɛ wo subanpa gyinabɛw kɔ sor. Na kwan a bɛfa do dɛzɛ ɛkɛr wo subanpa gyinabɛw nye dɛ, bɔhwɛ mbɛrɛ ɛyɛ wo ahɛdɛzɛ ma wo nuanom. Dɛm ntsi dɛ bɛyɛ asɔr nkotɛɛ na ayɛ wo asodzii ama Nyankopɔn nkotɛɛ no mma mmbɛn Nyankopɔn. ɔyɛ gyɛdzinyi n'asodzii dɛ ɔbɛyɛ n'ahɛdɛzɛ a ɔda no do no ama bɛa biara a ɔwɔ. Na Anohoba Mɛsia (ANN) ka bio dɛ wonnyi ɛnyihaw akwa osiandɛ ɛnyihaw so tum tɛwɛ wo fi Nyankopɔn nkyɛn. Mpɛn pii, hɔn a wonntum nnyɛ asɔr mpɛn ɛnum da kor no mɛ bisa hɔn a, dza wɔka nye dɛ ɔyɛ ɛnyihaw na ɔyɛ hɔn. ɛnyihaw kor yi ara na wobu hɔn ɛnyi gu Nyankopɔn No do do na dɛm ɛnyihaw nye

enyimbungudo yi nkakra nkakra twe hɔn fi gyedzi ho kɔ ekyirekyir, na ɔma nyimpa no nnye atsembuada ho suro, na ɔnnsuro de da kor ɔbebu nkontaa wɔ Nyankopɔn enyim.

Iyi ntsi na Nyankopɔn aka de ɔye hen a wɔgye Owusɔr dzi no suban de mber nyinara wɔkɔ asɔrfi mu. Dem ntsi na wɔakyerɛ hen de yɛbenya dza yeye ho wiadze yi mu ho akatua wɔ hen wu ekyir. Ndwuma a yeye wɔ Nyame ntsi de yedze rohwehwe N'enyigye na yeenya gyedzi wɔ No mu wɔ asaase yi do na yedze hen ho bɔdom egyedzifo no, yɛbenya ho akatuapa wɔ ahenman mu. Na ɔ'asan aka no bio de, hɔn a wɔye asɔr mpen enum da kor wɔ asɔrfi mu no so tua sika bɔ afɔr. Wɔ sɛɛ hɔn agyapadze dze hwehwe Nyankopɔn N'enyigye. Nyame N'adom ara kwa Ahmadiyyafo bɔ sika afɔr kɛse wɔ Nyame ntsi. Asɔrdan ne nsii mu no nyimpa dodow noara bɔ afɔr akese a ɔye Dolla mpempem. Se ɔba no asɔrfi ne si mu a, ɔno hɔn a wɔnnye Ahmadiyya Muslimfo no so tum bɔ sika afɔr mapa anaaso Ahmadiyyafo hɔn ahyensew nye de wɔbɔ hɔnho mbɔdzen tua "Chanda" (bosom ntoboa) na wɔsan so tua ntoboa ahorow biara a wɔdze bebɛre hɔn. Iyi na ɔma hɔn afɔrbɔ gyinabew tu kafo. Tsitsiriw mber yi wiadze aye egyapadze aperaper yi na bio sikasɛm ho aye dzen yi. Nyankopɔn nhyira nkorɔfo wɔbɔ dem afɔr yi na ɔnye hɔn egyapadze mbɔho mbɔho mma hɔn

Mepɛ de metwe hom adwen gyina do de papaye nkotsee nntotum ama obi enya tsenenee gyinabew a otu kafo anaaso ɔma wɔ gyedzi kɔ kan. Nokwar nye de momin me kyere gyedzinyi dze ɔwɔ de ɔye no asodzi ma Nyankopɔn na N'abɔdze nyinara. Wɔ Kuran mu no, wɔakyerɛ egyedzifo hɔn suban nye abɔdzin ahorow pii a morobobɔ bi edzin yi ato no ho do ansaana yeaka de ɔnam kwan tsenenee do na wɔaye dza ɔfata de ɔye wɔ asɔrdan ho. Nyankopɔn Krɔnkrɔnyi No ka de: "Na egyadzifo no dze wɔwɔ ɔɔɔ a no mu ye dzen ma Allah" (2:166). Anohoba Mesia (ANN) no ka de; ɔɔɔ ne gyinabew a ɔwɔ sor papaapa nye ɔsom, dem ntsi na kasafua "muhabbat" wɔka ma Nyankopɔn nkotsee no. Afei ɔka bio de som wɔ kyɛfa ebien. Kor nye de bosuro Nyankopɔn de mbɛre ɔfata de esuro No. na nokwar Nyamesuro dze nyimpa kɔ ahotsewee nsunyiwa ho, na ɔma ne kra nan na ɔpem kɔ Nyankopɔn Ne nkyɛn. na onya ahobrase mbordo mbordo. Iyi nye nyamesuro kyɛfa a ɔma nyimpa dze noho to hɔ dze n'enyim bɔ fa mu ma Nyame na ɔbɔ no ho mbɔdzen de ɔbeyɛ asodzi a ɔda no do wɔ Nyame nye nyimpa afamu nyinara.

Afei Anohoba Mesiah (ANN) no ka de, kyɛfa a ɔto do eb ien nye de benya ɔɔɔ ama Nyankopɔn de mbɛre ɔfata de edɔ No, dem ntsi na Wɔka no wɔ Kuran mu de "Na egyedzifo no wɔ ɔɔɔ a no mu ye dzen ma Allah" (2:166). De bobu wiadze afɛfedze nyinara egyangyandze na edze Nyankopɔn aye wɔ botae na edze wɔ do nyinara ama No. Iyinom nye ahyɛdze ebien a Nyankopɔn rohwehwe efi ɔdasanyi hɔ wɔ ɔnoara n'afamu. De mbɛre yebotum edzi dem ahyɛdze ahorow ebien yi ho dwuma yie wɔ hen Nyame som mu no, ɔwɔ mu de Nyamesom biara wɔ no su naaso Islam akye dem ahyɛdze yi mu ebien. Osuro na ɔɔɔ ye ndzɛmba ebien bi a ɔye dzen de obi benya abɔmu. ɔbeyɛ den na obi a osuro obi no ɔbesan adɔ no? Naaso Nyamesuro na Nyamedɔ ye su soronko koraa. Mpen dodow a obi benya suro ama Nyame no, dem ara so na Onya ɔɔɔ dze ma no. Demara so na mpen dodow a obi bɔɔ Nyame no, dem saso ara so na ɔbɔsuro No na wɔatwe no ho efi bɔn ho koraa na ɔdze no ako ahotsewee gyinabew mu. Dem ntsi iyi nye tsebea a ɔwɔ de gyedzinyi (momin) biara kɔ mu.

Na Anohoba Mesia (ANN) ko do ka de, se obi benya suro yi a, gyede onam mpaabo do na se obi benya odo yi a, gyede onam Hajj ne nyee do, na iyi so ye kasapow tsentsen. Dza okesi ara nye de nokwar gyedzinyi wo de ohwehwe dem gyinabew yi. De mbre obema ne Nyamesuro atwetwe Nyankopon No do. Se obi nya dem gyinabew yi a, na oenya nokwar somfo gyinabew na osomfo nokwarfo nye nyia yebotum aka de odzi nokwar wo asordan no n'aprowbo mu. Na dem gyinabew yi ara so na Anohoba Mesia (ANN) no pe de n'ekyirdzifo nyinara nya.

Yeesi dem asorfi yi ewie yi, owo de yeko ho nsrahwe, na hen ara so yeye mpepeomu wo hen abrabo mu na yehwe de mpen ahen na yeresom Nyankopon. Na ebenadze so na okyere de yewo odo ma Nyankopon? Na yenhwe de ahyedze ahen na oda hen do a owo de yehye no ma henho henho? Osiande Nyamesom nndzi mu gyede ogyina Nyamesuro do na yennkotum edzi iyi do gyede yedzi Nyankopon Ne mbransem nyinara do. Nyankopon ama hen mbransem pii wo Kuran Kronkron mu de odze rekyere hen kwan na oye gyedzinyi n'ahyedze de odzi mbra nyinara do ansaana woafre no ogyedzinyi mapa. Ansaana mebekererekyere iynom mu no, ma menka asem kor bi wo Kuran nyinyimu a mekenkanee no mu "fa asaa oola'eka anyaqoono minal muhtadeen" [9:18] a asekyere nye de "Na woyinom na wobena hon botae".

Iyi kyere de, se woye iyi ara nna woakeka hon a woenya kwankyere no ho. Onkyere de se woye iynom ara a nna woenya hon botae ara nye no, onntse dem koraa. Obiara a onyim Arabic kasafua no nyim de se woka "asaa" (obeye de) n'asekyere nye de hon a wogyina pintsinn wo hon gyedzi mu na wotua Zakat na ma okoka ho no de wodze rohwehwe Nyankopon N'enyigye. Wonnsuro obiara kwetsir Nyankopon na woyinom nye hon a woenya akwankyerepa wo Nyankopon enyim na wonam Nyame No tum do benya gyedzi ntomu nye Nyamesuro ntomu. Na woyinom na Nyankopon kyere hon kwan na woye asor na wodzi Nyamesuro do na hon gyedzi tu kafo. Dem ntsi hon a hon tsir aye ngogo nye hon a Nyankopon akyere hon de o'anya kwankyerepa na woye Ne dze na woben no aber biara.

Afei ma menkyere hom asem kor anaa ebien bi a oye asodzi a Allah dze ato hen do. Allah, Sorsor Hen No aka de, "Hom nye nkorofa a hom dzi mu a woeyi ho mama adasamba hon yiedzi, hom kyerekyere papaye na hom mbra bon na hom ngye Nyankopon ndzi" (3:11). Wo dem nyiyimu no mu no, woakyere Muslimnyi nokwarfo no suban wo mu. Onye de, okyerekyere papa na obra bon. Na iyi ronntum nnko do wo aber a hen kasaa na hen ndzeyee nnye kor. Se hen ndzeyee nye hen kasaa bo ebira a, ono hen nsemkae biara rennya nsunsuado papa biara wo henara hen nkorofa do na bi aka afofor a wowo nkyen. Asordan yi a yeesi yi, bobuebuei akwan ama hen wo hen Nyamesemka mu naaso se hen ndzeyee annye de mbre ofata a, de mbre Nyankopon aka no a, nna yeannye nkorofa a wodzi mu anaade hen gyedzi wo Nyankopon mu nnsi pi na hen asorye nnkeye mfaso, na hen sika aforbo nnkoso Nyankopon enyi, anaaso se yeka de yewo Nyamesuro wo hen akoma mu a, onnkeye nokwar. Dem ntsi oye hen asodzii a odzi kan de yebobo hen bra de mbre Nyankopon Ne mbransem akyere no. ahyedze kor so nye de "wa qoolo lin nasay husna" (2:84). Hom nye adasamba nkasa nye hon ndzi nkitaho wo adoye kwan do. Owo de yedzi kan kyere dem suban yi wo

henara hen mu, tsitsir dzibewdzifo no wo de woye ahweyie wo iyi ho. Ansaana yebopue akaka Nyamesem noowo de yedzi kan nya atseneneefo ma wohye hen asordan yi ma, hon a Nyame ntsi woye hon asodzii pepape wo hon Nyamesom mu.

Oto fa bi a, menya sombo bi de dzibewdzifo no bi onye hon a woye hon adwen de woye atseneneefo ara ma, de wonye asoramba no bi kasakasa a, oma wodzi yaw wo hon akoma mu na wonam do dze pam nkorofu fi asor yi mu. Dem nkorofu yi, de mbreowo de nkye woma dom behye asordan yi mu ma no, mbom woma dom dan hon ekyir ma asordan no. Dem ntsi se yebeye nkorofu a wodzi mu dza a, onoowo de yesesa nya suban pa. Afei so, de mbre yesi asordan a oye no, akwan ahorow bobuei ama hen wo Nyamesemka mu ma yeabo Islam Ahmadiyya ho dawur, dem ara so na obesi wo ha. Dem ntsi se dom no ba a, binom ye hom anyenkofo anaa ebusuafu a, owo de hom kyere suban pa bi de Ahmadiyyafu dze woye adoye nye ndzeyepa ma nkorofu. Iyi nye dzaowo de yeye wo wiadze afanandze nyinara kyere de yeye Ahmadiyyafu. Iyi nye Islam nkyerekyere, de yebeper henara hen yiedzi no, yedzi kan dwen dza obebo nkorofu ana, na nnye de yebodwen keke na mbom yedze boko nye do so.

Siesiara a yeesi asordan yi, nkorofu pii bohu no mpen pii. Nyankopon ama hen akwanya ma yedze abo Islam Ahmadiyya ho dawur. Oto ber bi a, nkitahodzi bi ko do a onnye nyimpa ne nsa ano edwuma, na hom bohu de ha so bi besi. Dem ntsi hom ndua hom ndzeyepa do nye nkitahodzi do ntwe dom mbra ma wonya Islam nye ne nkyerekyere ho do. Dem ntsi de mbre m'edzi kan aka no, kwan a hom befa do adodo homho wo Nyame ntsi de edze rohwehwe Nyankopon N'enyigye. Owo de hom to ko do yie, iyi bema yeetum abo som yi ho dawur na ama Kuw yi etum eyin na aboa hen ma yenya Nyankopon N'enyigye. Yenhwe de yeesi asordan yi ewie yi, Jama'at yi beyin wo dom dodow mu ama asoramba no aye nkorofu a wodzi Nyankopon Ne mbransem nyinara do na wohye asorfi yi ma, na mesere de hom mu kor biara benya akoma a aber biara obotwe no ako asorfi de mbre Nkomhyenyi pee dze maa agyedzifo no. Mesere mpaabo de asorfi yi betwetwe Nyankopon N'adom ama obiara a oba dan yi mu no enya kyefa, na ma Nyankopon mbuebuei apon a hom bodua do abo Islam Ahmadiyya ho dawur wo asorfi yi ntsi.

Ma menka asorfi yi ho asem kakra. Annye a nkye onkwey omanfo enyigye pii naaso hon a worohwe fi wiadze afanandze nyinara no bepe de wotsie nsem yi. Asorfi yi no ho nkaabo, Hadhrat Khalifatul Masih IV na oye wo 1997. Na dem mber noara na otoo no dzin Baitur Rahman. Osi asaasetam a ne kese beye 'acre' 3.75 do a n'anan mu ye 33,419 footo. Oye abansor a otua do ebien na "dome" a ne tsentsen beye footo 47 na "minaret" a ne tsentsen ye footo 76. Bea a mbanyin na mbasiafo ye asor no wo faakor na ne teter ye footo 6800. Se ekama mbaa na mbanyin hon bea no bomu a, nyimpa dodow beye 1132 na wobotum aye asor wo ho. Bea wo ho a tseaseanam beye 140 botum egyinagyina. Dan kese bi so wo mu a nyimpa beye 1,050 botum aye asor wo ho na woye nhyiamu na ma okaka ho. Ntsi ekaka woyi nyinara bomu a nyimpa 2000 botum aye asor wo asorfi no mu. Beebi a wodze nwoma gu, Nyamesem asoe, gyaadze, efunsiebea, skuul adan anan, ofise ahorow, nhyiamubea, osoko no tsenabea na ahohobe, na woiesie dan no ho fefefew. Asorfi no ho kaw nyinara kosii

Canada Dolla ɔpepe awɔtwe na fã (\$8.5 million). Nyankopɔn nhyira asɔrfi yi do mma hom nyinara.

Medze rokɔ ewie no, merebɛka Anohoba Mɛsia (ANN) ne nsem bi, ɔkaa dɛ: “Asɔrfi ne fɛw nngyina n’afasin do na mbom ogyina no mu dɔm a wɔba beye asɔr wɔ mu wɔ nokwar na ahobrase mu. Sɛ ammba no dem a, ɔda hɔ pan. Nkɔmhyenyi (NNN) n’asɔrdan no suar na wɔdze abɛ ne mpapã so na wɔdze kurii, na mber biara a nsu bɔtɔ no onwin gu asɔrmba no hɔn do. Mbom, mbre asɔrfi no mu beye hyew anaa nwin na mbre ɔbeye no gyina asomfo no hɔn do. Nkɔmhyenyi Krɔnkrɔn (NNN) no aber do no, nkorɔfo bi a wiadze agye hɔn adwen no sii asɔrfi a ɔnam Nyankopɔn Ne tum do obubui. Dem asɔrfi no dze Masjid Zarar. Wobubuu dem asɔrfi yi. “Mosque” ho mbra kyere dɛ, ɔwɔ dɛ wɔfa taqwa (tseneneeye) do si asɔrdan.

Dem ntsi iyi na Ahmadiyyanyi biara wɔdɛ ɔdze hye n’adwen mu. Anohoba Mɛsia (ANN) no kɔ do ka dɛ: Jama’at wɔ dɛ onya noara n’asɔrdan a Imam a ofi henara hen Jama’at mu; otu fo na ɔma nkorɔfo akwankyere na asɔrmba nyinara hyia ye asɔr wɔ asɔrdan yi ara mu. Nhyira pii wɔ Jama’at no mu na korye na akasakasa ba ber a mpaapaamu esi mu. Na dem mber yi na nkabɔmu na korye na wɔ dɛ wɔma do na nsem nketsenketse a ɔdze mpaapaamu ba no woyi no akwa.

Nyankopɔn mboa hen ma yemfa dza ɔwɔ dɛ yeye do mbɔ hen bra. Amen!

Translated by: 1. Mr. Alhassan Kobina Atta-Wenchie
(Tutor in English Language, Jamiatul Mubashireen, Ghana)
2. Maulvi Alhassan Bashir Annan Sahib
(Tutor, Jamiatul Mubashireen, Ghana)
3. Mr. Rasheed Possible Essuman Sahib
(First Year Student, Jamiatul Mubashireen, Ghana)

Downloaded from: www.jamiatulmubashireen.org
Contact: www.jamiatulmubashireen.org/contact-us